

**U G O V O R**  
**ZA NABAVKU SPECIJALIZOVANOG NAMJEŠTAJA ZA KABINET LABORATORIJSKOG RADA**  
**(UČENIČKI STOLOVI SA NAPOJNIM KONZOLAMA ZA NASTAVU ELEKTRO STRUKE)**

Zaključen između:

1. **Elektrotehnička škola za energetiku Sarajevo**, ul.Zmaja od Bosne br.37, koju zastupa **Samira Karamehić**, direktorica škole (u daljem tekstu: naručilac) i
2. **Dijal-„M“ d.o.o. Sarajevo**, Ul. Zagrebačka br. 24/PR kojeg zastupa Dina Marevac, direktor Društva, (u daljem tekstu: DOBAVLJAČ), kako slijedi:

Član 1.

Ovim Ugovorom ugovorne strane su se sporazumjele da će Dobavljač izvršiti isporuku robe za potrebe Kupca. Ugovor se zaključuje na temelju provedenog postupka javne nabavke objavljenog na portalu JN broj:714-7-1-44-3-3/17 od dana 14.11.2017. godine.

Član 2.

Predmet ovog Ugovora je nabavka roba „Specijalizovani namještaj za kabinet laboratorijskog rada (učenički stolovi sa napojnim konzolama za nastavu elektro struke)“ prema zahtjevima Kupca iz konkurentskog postupka za dostavljanje ponuda, broj 02-1348/2017 i Ponude dobavljača, broj: 201-189/17 od 24.11. 2017. godine., koja je prilog i sastavni dio ovog Ugovora.

Član 3.

Ugovorna cijena za robu iz Člana 2. ovog Ugovora utvrđena je na osnovu fiksnih jediničnih cijena i količina iz ponude, i iznosi ukupno

**9.795,24 KM**

**( slovima: devethiljadasedamstotinadevedesetpet i 24/100 KM )**

Cijene su date sa uračunatim PDV-om.

Član 4.

Ugovorne strane su saglasne da **naručilac** ugovorenu cijenu iz člana 3. ovog Ugovora plati na sljedeći način:

- Avans 100% u iznosu od 9.795,24 KM odmah uz narudžbu.
- 
- **(slovima: devethiljadasedamstotinadevedesetpet i 24/100 KM).**

**Naručilac** će ugovorenu cijenu uplatiti na račun **Dobavljača** br. 161000008700038 kod banke Raiffeisen bank D.D. BiH.

Član 5.

**Dobavljač se** obavezuje da će isporuku robe izvršiti najkasnije u roku od 30 kalendarskih dana od dana stupanja na snagu ovog Ugovora i dana uplate avansa u visini od 60% od vrijednosti ugovorene cijene.

**Dobavljač se** obavezuje da će isporuku roba izvršiti kvalitetno i u predviđenom roku, u skladu sa važećim propisima, pravilima struke, zahtjevima Kupca i odredbama ovog Ugovora, a u svemu prema ponudi, broj 201-189/17 od 24.11. 2017. godine i tehničkoj specifikaciji iz Obrasca za cijenu ponude, koja je sastavni dio ovog Ugovora.

-Da robu iz člana 2. ovog Ugovora isporuči u Kabinet laboratorijskog rada, na adresi Zmaja od Bosne broj 37, 71000 Sarajevo.

-Da odgovara za kvalitetu isporučene robe iz člana 2. ovog Ugovora i ukoliko se pokaže da karakteristike ne odgovaraju ponuđenim, ili propisanim standardima o kvalitetu i porijeklu, istu o svom trošku zamijeni odgovarajućom.

-Da za robu iz člana 2. ovog Ugovora, dostavi kompletnu tehničku dokumentaciju (kataloge i izjave o garanciji).

-Da robu iz člana 2. ovog Ugovora isporuči upakiranu tako da se spriječe oštećenja i propadanja za vrijeme transporta i skladištenja. Pakiranje mora biti dovoljno čvrsto da izdrži grube manipulacije tokom utovara i istovara.

-Da za isporučenu robu iz člana 2. ovog Ugovora, serviseri izvrše instalaciju kvalitetno i u skladu sa zahtjevanim pravilima struke.

-Da ostane u kontaktu sa Naručiteljem radi eventualnih otklanjanja nedostataka u garantnom roku i post garantnom roku

#### Član 6.

Dobavljač odgovara za kvalitet nabavke specijazanog namještaja računajući od dana izvršene primopredaje, s tim da garantni period u vremenu od 1 (jedne) godine traje od dana stavljanja robe u funkciju. Unutar prethodno navedenog roka **Dobavljač** se obavezuje da o svom trošku, na pismeni zahtjev **naručioca**, u roku od 5 (pet) dana, otkloni sve nedostatke koji se pojave uslijed nesolidne instalacije, odnosno ugradnje nekvalitetnog materijala.

U slučaju da **Dobavljač** ne postupi po uslovima i rokovima utvrđenim stavom 1. ovog člana, **naručilac** stiče pravo da o trošku izvođača angažira treće lice za otklanjanje nesolidno i nekvalitetno izvedene instalacije.

#### Član 7.

Ugovoreni rok za nabavku roba se može produžiti samo u slučaju više sile, za onoliko dana koliko su trajali razlozi produženja izazvani tom silom. Pod višom silom se podrazumijeva svaki događaj koji ugovorene strane nisu mogle predvidjeti i spriječiti, a koji omogućava ispunjenje ugovorene obaveze (npr. vremenski uslovi, štrajk i sl.).

Postojanje okolnosti iz stava 1. ovog člana utvrđuju ugovorne strane i to na pismeni zahtjev **Dobavljača** u roku od 48 (četrdeset osam) sati od njihovog nastupanja.

#### Član 8.

Obaveza kupca je da osigura uvjete za prijem i preuzimanje robe iz člana 2. ovog Ugovora sa pripadajućom opremom i dokumentacijom.

Da izvrši plaćanje u skladu sa odredbama ovog Ugovora.

#### Član 9.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima.

#### Član 10.

Ugovorne strane su saglasne da će sve eventualne sporove nastale po ovom Ugovoru rješavati sporazumno, u suprotnom, nadležan je Općinski sud u Sarajevu.

#### Član 11.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za **Dobavljača**,

Dijal - „M“ d.o.o. Sarajevo

direktor,

**Dina Marevac, dipl.ing.teh.**

Broj: 20/12/2017

Sarajevo, 13.12.2017. god

Za **naručioca**,

Elektrotehnička škola za energetiku,

Direktorica škole,

**Samira Karamehić, dipl.el.ing.**

Broj: 02-1458/2017.

Sarajevo, 13.12.2017. godine